



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput VI. Declarantur actus Religionis.

---

[urn:nbn:de:hbz:466:1-73203](#)

rem, quod sit primum rerum omnium principium. Atque ex his ulterius apparet, religionem non esse virtutem Theologicam, sed moralē: quia proprium, immediatum, & specificativum objectum ipsius non est Deus, sed Dei cultus, nec ratio directa & immediata divini cultus est Dei excellentia, sed ratio dumtaxat mediatā & indirectā, ut dixi.

26. Enimvero sic se habet religio ad Deum, sicut justitia ad proximum, cum per utramque virtutem reddamus alteri debitum. Quemadmodum ergo proprium, immediatum & specificativum objectum justitiae non est proximus, sed res ipsi debita; sic proprium, immediatum, & specificativum objectum religionis non est Deus, sed res Deo debita, cultus scilicet & reverentia. Potest quidem Deus dicti finis cui religionis: quia est id cui religio cultum exhibet: verum ab ejusmodi fine religio non specificatur, sed a fine qui, & ab objecto materiali & formalī immediato.

27. Dices 1°. excellentia divina est objectum religionis, sicut divina bonitas objectum est charitatis; quemadmodum enim Deum propter suam bonitatem diligimus; ita Deum propter suam excellentiam colimus & honoramus.

Respondeo negando antecedens: quia religio non occupatur immediate circa divinam excellentiam, sicut charitas circa divinam bonitatem, sed circa Dei cultum, & ratio formalis immediata istius cultus non est Dei excellentia, sed solum ratio mediatā.

28. Dices 2°. adoratio, oratio, & laus Dei videtur immediate fieri in Deum.

Respondeo, adoracionem, orationem, &c. in quantum actus religionis, non dirigere hominem immediatè in Deum (prout actus fidei, spei, & charitatis) sed in cultum ipsius; & licet dici queant immediatè attingere Deum, ut finem cui, vel ut signum attingit signum (sunt enim signa & protestationes divinæ excellentiae) non tamen tamquam proprium & specificativum objectum virtutis à qua procedunt. Manifestum enim quod Deus non comparatur ad virtutem religionis, sicut materia, vel objectum, sed sicut finis, ait S. Doctor a. i. in corp.

29. Ceterum licet religio, ob rationem dictam, non sit virtus Theologica, prout S. Thomas docet q. 81. a. 5. est tamen prima & excellētissima virtutum omnium moralium. Quia (ut S. Doctor dicit a. 6.) religio magis de propinquō accedit ad Deum, quam alia virtutes morales, in quantum operatur ea, que directe & immediate ordinantur in honorem divinum, pro objectoque formalī, indirecto & mediato divinam habet excellentiam, & pro fine cui ipsum Deum. Unde maximē accedit ad virtutes theologicas, atque à nonnullis ponitur esse virtus media inter virtutes theologicas & morales; quamvis propriissimē dicatur virtus moralis, quia pro objecto immediato habet cultum Dei, qui propriissimē ad mores pertinet.

30. Differt vero à reliquis virtutibus moralibus, & 1°, à fortitudine & temperantia, quod re-

ligio sit ad alterum, verseturque circa actiones, non circa passiones, prout dictæ virtutes, quæ etiam per se non sunt ad alterum. 2°. à justitia differt, quod non respiciat debitum adäquabile, prout justitia, 3°. differt à gratitudine, quod hoc non redditur propter excellentiam, sed propter beneficium, exhibeatque alteri quam Deo; non sic religio. Neque enim cultus, quem Sanctis exhibemus, ob propriam ipsorum excellentiam, ibi sistendo, est actus religionis, propriè & strictè loquendo; tametsi cultus Sanctorum, propter increatam Dei excellentiam, in ipsis relucem, tamquam in vivis imaginibus, filiis, amicis, & templis Dei, in quibus Deus inhabitat per gratiam & gloriam, sit actus religionis, & cultus iste, sic consideratus, ad objectum materiale religionis pertineat, sicut proximus ad objectum materiale charitatis, licet non sit per omnia paritas, uti S. Doctor hic ostendit. Denique religio differt etiam à pietate & observantia, quod istarum virtutum actus non soli Deo, sed aliis etiam exhibentur, ob aliam quam increatam excellentiam,

## C A P U T VI.

*Declarantur actus religionis.*

R eligio, ut docet S. Thomas q. 81. a. 1. ad 1. duplices habet actus, quosdam quidem proprios & immediatos (id est immediate à se elicitos) cuiusmodi sunt devotio, oratio, adoratio, sacrificium, votum, iuramentum, adjuratio, & alia quædam observationes sacræ. Alios vero imperatos, quos producit medianibus aliis virtutibus, quibus imperat, ordinans eos ad finem colendi Deum. Et secundum hoc Jacobi 1°. dicit, quod religio munda... est uisitare pupillar, & viduar, &c. Augustinus quoque ubi supradicit, Deum colili fide, spe, & charitate. Tametsi enim religio strictè non imperet nisi virtutibus inferioribus, latiori modo dici potest etiam theologicas imperare, quatenus eas movet ad suum finem colendi Deum, ut notat Cajetanus q. 81. a. 4. Qui etiam a. i. ad 1. recte monet, quod dum S. Doctor ibi dicit, quod religio haberet quosdam actus sibi proprios, & immediatos, quos elicit, sicut sacrificare, adorare, & alia hujusmodi, solum velit, quod sacrificare, adorare, & hujusmodi sunt actus ita proprii religionis, ut eos non producat mediantibz alia virtute, sed per seipsum, absque alia virtute intermedia. Alias enim solus primus actus voluntatis, quo quis vult colere Deum, eumque in finem illi offert suam devotionem, orationem, adoracionem, &c. immediate & per se primò elicitor à virtute religionis; ceteri vero, tum interni, tum externi, per respectum ad istum priorem actum, sunt actus quasi imperati à religione, & ab ea quidem eliciti absque alia virtute intermedia, sed non absque illo intermedio actu voluntatis, cuius sunt effectus, simul & objectum materiale, seu

seu materia propria, quam creatura intelle-  
ctualis offert Deo, ad finem colendi ipsum.

## C A P U T VII.

*Exponitur quid sit, quidque importet adoratio.*

32 **A**doratio nomen varias haber significati-  
ones. 1°. venerationem quamcumque  
alteri exhibitam, in testimonium excellentiæ  
ipsius. Et sic Abraham Genef. 22. adorasse di-  
citur filios Heth. Et Judith Holofernem, Ju-  
dith. 10. civiliter utique, sive propter excellen-  
tiam civilem, 2°. venerationem alteri ex-  
hibitam propter excellentiæ spiritualem; quo-  
modò Abdias 3. Reg. 18. Eliam adorasse di-  
citur. Et Josue Angelum, Josue 5. Et ista  
adoratio est cultus spiritualis, & licet forma-  
liter non sit religiosus, strictè loquendo, propter  
id quod dixi n. 30. religiosus tamen dici  
potest, sive ad religionem pertinens, paulò  
latius eam accipiendo. Secundum quam ac-  
ceptionem adoratio triplex assignatur, dulia, &  
hyperdulia, latria. *Dulia* est veneratione, quæ  
sanctis Angelis vel hominibus, maximè cum  
Christo regnabitibus, impenditur. *Hyperdulia*,  
quæ Virginis Deiparæ, ob singularem  
ipsius supra ceteros Sanctos & Angelos excellen-  
tiæ materniatis Dei, plenitudinisque grata-  
tum. Unde S. Bonaventura in 3. dist. 9. q.  
3. n. 19. *Beatissima ( inquit ) Virgo Maria,*  
*pura creatura est;* & id ad honorem & cul-  
tum latiae non ascendit. Sed quoniam excellen-  
tissimum nomen habet, ita quod excellentiæ pu-  
rae creature convenire non potest, ideo non tan-  
tum debetur ei honor dulia, sed hyperdulia.  
Hoc autem nomen est, quod *Virgo existens*, Dei  
Mater est: quod quidem tanta dignitatis est,  
quod non solum viatores, sed etiam comprehen-  
sores, non solum homines, verum etiam Angeli  
eam reverentur quâdam prærogativâ speciali.  
Ex hoc enim quod Mater Dei, est prælata ceteris  
creaturis, & eam præ ceteris decens est  
honore. *Hic autem honor confuerit à Magis-  
tris hyperdulia vocari.* *Latria* tola est adoratio  
secundum præcipuum, & nunc apud Theo-  
logos famosè usitatam notionem, quæ adoratio  
definitur, actus quo Deum ut supremum  
Dominum suum, infinitè perfectum, & infinitè  
excellentiæ creatura intellectu recognoscit,  
cum protestatione sua ad eum subjectionis, de-  
pendentiaque totalis, quoad corpus, & animam,  
& quacumque alia bona sua.

33 Adoratio hoc modo sumpta, tametsi à Theologis dividatur in internam, & externam; ex-  
terna tamen sine interna, adoratio non est propriè dicta, de qua Salvator ad Samaritanam,  
Venit hora, & nunc est, quando veri adorato-  
res adorabunt Patrem in spiritu & veritate.  
Adoratio quippe externa, sine interna, est  
adoratio mortua, sicut corpus sine anima.  
Dum ergo Deum exterius vere adoramus, anima est, quæ per externos actus venerationis  
ac submissionis, Deum velut supremum Do-

minus suum interius recognoscit, suamque  
erga ipsum omnimodam subjectionem ac de-  
pendentiam protestatur. Itaque sicut oratio  
primordialiter quidem est in mente, secun-  
dariò autem verbis exprimitur; ita etiam adoratio  
principaliter quidem in interiori Dei re-  
verentia consistit; secundariò autem in qui-  
busdam corporalibus humilitatis signis. Sic  
genuflectimus, nostram infirmitatem designan-  
tes in comparatione ad Deum, proferimus  
autem nos, quasi profitentes, nihil nos esse  
ex nobis. S. Thomas q. 84. a. 2.

Estque reflexione dignum, in ista adoratio-  
ne cultuque Dei implicitè contineri obligatio-  
nem fidei, spes, & charitatis; sive credendi  
Deo, sperandi in Deum, ipsumque super om-  
nia diligendi. Si enim Deum recognoscimus  
infinitè perfectum: igitur infinitè veracem,  
infinitè potentem, infinitè fidem in promis-  
sis, infinitè benignum, infinitè bonum, infinitè  
amabilem. Si infinitè veracem, ipsi ergo  
credere nos oportet in omnibus quæ dig-  
natur nobis revelare. Si infinitè potentem, in-  
finitè benignum, infinitè fidem in promis-  
sis: in ipso ergo & promissis ipsius spem &  
fiduciam habere debemus. Si denique infinitè  
bonum & amabilem: ipsum ergo super om-  
nia cetera bona & amabilia amare & dilige-  
re debemus. Et hinc eluet verè à Catechis-  
mo Romano dictum esse, quod peccant in  
hoc primum præceptum, qui fidem, spem,  
& charitatem non habent.

## C A P U T VIII.

*Devotio, duplexque causa, & effectus ipsius.*

34 **D**evo<sup>tio</sup> est pia & humili affectus in Deum; 35  
humilis ex conscientia infirmitatis pro-  
priae; pia ex consideratione divinae clemen-  
tiae. Ita definit Author libri de spiritu & ani-  
ma ( inter opera Augustini ) cap. 5. A sancto  
Thoma vero q. 82. a. 1. definitur, voluntas  
promptè tradende se ad ea quæ pertinent ad Dei  
cultum. Per consequens non constituit in sensibili  
gusto & teneritudine cordis, quæ aliquando  
in oratione sentitur; sed in pio atque hu-  
mili animi affectu, promptaque voluntate de-  
bet peragendi ea quæ pertinent ad Dei cul-  
tum & famulatum, prout Scriptura indicat  
Exodi 35. *Multitudo filiorum Israël obtulit men-  
te promptissimâ atque devotâ primitias Domi-  
no.* Quæ pia animi affectio & promptitudo  
plerumque in profundo cordis latitab, absque  
ullo sensibili gusto, imo etiam cum maximo  
tedio, uti fuit in Christo, dum *cœpi pavere & tñdere*, dum etiam derelictus fuit in cruce:  
eo tamen non obstante, devotio ipsius tunc ma-  
xima fuit: quia voluntas promptissima para-  
tissimaque ad implendam voluntatem Patris,  
non obstante illâ derelictione ac tadio.

Devotionis causa est duplex, una nobis ex-  
trinseca & principalis, scilicet Deus: altera  
intrinseca consideratio, scilicet tum divinae cle-